

Kontuola

ANTZUOLA / Egubakoitza / 2002ko abenduaren 20a / 139. zenbakia

KOORDINATZAILEA: Aintzane Irizar • Barrenkalea 33 20570 BERGARA • Tel.: 943 76 03 97 • Faxa: 943 76 29 77 • Posta elektronikoa: kontuola@goiena.com • Lege gordailua: SS1179/02

Uzarragaren mendeurrena ospatzeko, hainbat ekitaldi izango ditugu

AINTZANE IRIZAR

Uzarragako eliza berria inauguratu zutela 100 urte beteko dira hilaren 28an; hori ospatzeko, hainbat ekitaldi antolatu ditu Uzarraga 2002 taldeak. Hilaren 23an hasiko dituzte ekitaldiak, beraldi batekin, eta abenduaren 28an amaitu, elizkizun batekin.

Iñigo Ramírez de Okariz antzuolar historiagilearen berbaldiarekin hasiko dituzte hilaren 23an Uzarragaren mendurrenaren ospakizunak. Hain zuzen, Uzarragaren historiaren gainean berba egingo du Ramírezek, Oloran etxean, 19:00etan.

Abenduaren 26an, berriz, Uzarragaren gaineko argazki erakusketa zabalduko dute, Oloran etxeko aretoan hori ere. *Uzarraga lehen eta orain* goiburua izango du argazki bildumak, eta, hain zuzen ere, abenduaren 29ra arte egongo da ikusgai, iluntzero, 19:00etatik 20:30era.

Azkenik, abenduaren 28an bertan, 100. urteurrena beteko den egunean, Uzarragako elizan meza egingo dute, 11:30ean. Juan Maria Uriarte Gipuzkoako gotzainak hartuko du parte elizkizuneari, San Bizenteko bikarioarekin, ibarreko artzapezarekin eta Antzuolako abadearekin batera. Antzuolako abesbatzak abestuko du meza horretan.

Elizkizunaren ostean, berriz, 12:30 aldera, Oihane Toledo soprano urretxuarraren eta Borja Rubiños piano jotzaile donostiarraren emanaldia entzuteko aukera izango dugu. Besteak beste, Aita Donostiaren, Usandizagaren, Bachen eta Schuberten piezak eskainiko dizkigu bikote horrek.

Eta, azkenik, 13:15ean, salda beroa eta ardoa eskainiko diete hurreratzen diren guztiei.

AUTOBUSA JARRIKO DUTE

Uzarragan automobilak aparkatzeko toki gutxi dagoela eta, autobusa jarriko dute antolatzaileek. 10:30etik aurrera ibiliko da autobus hori, eta Uzarragara eta herri artean ibiliko da. Automobilik ez hartzeko eskatu nahi diete herri-tarrei antolatzaileek, arazorik sortu ez dadin.



1902. urteko abenduaren 28an inauguratu zuten Uzarragako eliza berria.

AINTZANE IRIZAR

IÑIGO RAMÍREZ DE OKARIZ UZARRAGA 2002 TALDEKO KIDEA

Bidea eginez

Bat eginez gero Uzarragako elizak historian izandako gorabeherekin, testuinguru hura adierazi beharko banu, ez nuke ez lan erraza izango; izan ere, "hondamendia" eta "ekimena" hitz kontrajarriak datozkit burura. Liburu zaharretara joan besterik ez dago antzemateko, Uzarragako elizak edo parrokiak, ez duela asmatu non ezarri bere oinarriak. Izan ere, XVIII. mendetik hona dokumentuetan kontzeptu edo ideia errepikatuenak dira "lur jota", "jausteko zorian", "printzatuta", "itxi beharra", "tokiz aldatu beharra", "dirurik ez berre-raikitze" ... Baina, aldi berean, beste hauek ere azaltzen dira, auzotarren jarrera adierazten dutenak: "ekimena", "borondatea", "laguntzarako prestasu-

na" ... Beraz, lehia bizia izan da auzotarren eta elizaren nahi eta ezinaren artean. Eta orain? Ez du aurpegi onik ez elizak, ezta auzoak berak ere. Gogor eragin dio auzo horri modernitateak, hiri nahi izatea nagusi irten delako hiri eta herri binomioaren arteko bizitzan; baserriak hutsik edo jausita, bizilagunak adinean gora, neurri baten nekazaritza baztertuta...

Eta zer egin, antzuolar bezala? Prestatu diren ekintzetan parte hartu, Uzarraga auzoa (eta ez eliza bakarrik), gaitzat izango duten ekintzetan. Horrela, ondare guzti hau ez galtzeko eta bizirik mantentzeko zer egin hausnartu, antzinako auzotarrek egin zuten bezala (eta neurri batean egun egiten duten bezala).

zuten, eta zer jana eta zer edana ere egon zen Uzarragan.

Antzuolan bi parrokia daude: bata, herrian bertan dagoen Errukizko Amarena; bestea, berriz, Uzarragakoa, San Juan Bataiatzailearena. Uzarragakoa da, historiagileen esanetan, parrokia zaharrena. Uzarragan egon diren

elizek, baina, gorabehera handiak izan dituzte historian; izan ere, lurpean arbela eta buztina dira nagusi, eta horrek arazoak sortzen ditu Uzarraga inguruan. Horregatik, eliza bat baino gehiago berreraiki behar izan dute historian barrena; azkena, orain dela 100 urte inauguratu zutena.

LABUR

'Futbitoko 24 orduak' antolatu dituzte gazteek

Antzuolako Gazte Asanbladak *Futbitoko 24 orduak* antolatu ditu urtarrilaren 4an eta 5ean. Parte hartu nahi dutenek Mox edo Larrea tabernetan eman behar dute izena, hilaren 22a baino lehen. Hilaren 27an, berriz, 19:30ean, batzarra egingo dute udal-etxean, zozketa egiteko.

Arrolak bi irteera antolatu ditu urtea bukatu eta hasteko

Urteroko ohiturari jarraituz, Aizkorriera mendi ibilaldia egingo dute urteko azken egunean: 08:00etan jarri dute hitzordua, plazan. Urtarrilaren 1ean, berriz, Arrolara joango dira: 09:00etan irtego dira, plazatik, eta salda eta txorizoa dastatzeko aukera ere eskainiko dute.

Bidaurrekoek lehen saria irabazi zuten Urretxun

Bidaurre baserriko Kontxi Izagirrek lehen saria eskuratu zuen, fruituen sailean, joan zen egubakoitzeko Santa Luzia azokan, Urretxun. Pozik azaldu zen Kontxi Izagirre sariarekin, baina, han izan ziren baserriar gehienek bezala, oso gutxi saldu zutela adierazi zigun.

Pilota Txapelketan elosuarra garaile, lehen mailan

Joan den zapatuan jokatu zituzten herriko Pilota Txapelketako finalak. Lehen mailan elosuarra nagusitu ziren: 22-11 irabazi zieten Oruesagastik eta Larrañagak Arbuluri eta Mendizabali. Bigarren mailan, berriz, Ormazabalak eta Iturbek 5-18 galdu zuten Sánchezen eta Pagaldairaren kontra.



Hiru antzular sarituak 'Berrigara'-n

Antzulako hiru neska-mutiko saritu dituzte *Berrigara*-k antolatutako Gabonetako Marrazki Lehiaketan. Adinaren arabera, hamar maila banatu zituzten. Hiru urtekoen mailan, Beñat Kortabarria izan da irabazlea; sei urtekoen mailan, Aitor Domínguez (goian, bere marrazkia); eta bederatzigarren urtekoen artean, Amaia Irastortza. Antzuola, Bergara eta Elgetako ikastetxe guztietako ikasleek parte hartu dute lehiaketan/A.I.

GABONAK

Umeak eta umeendako ekitaldiak izango dira nagusi Gabonetan

AINTZANE IRIZAR

Gabon bezperan, hainbat kantu kalejira egingo dituzte herriko kaleetan: eskolako neska-mutikoak, Antzulako abesbatzakoak eta euskal presoen alde arituko dira kantuan. Jolasparkea eta hainbat kirol ekintza ere egongo dira Gabonetan.

Gabon bezperan, abenduaren 24an, Olentzero eta kantu kalejira izango ditugu nagusi herriko kaleetan.

Goizean, Herri Ikastetxeko neska-mutikoak arituko dira kalez kale kantuan, Olentzero lagun dutela. Arratsaldean, berriz, bi talde arituko dira Gabon kantak abesten: batetik, Antzulako Abesbatzako kiñeak; eta, bestetik, euskal presoen aldeko kantu kalejira egingo dute.

JOLASPARKEA ETA KIROLAK

Urtarrilaren 3an, egubakoitzean, umeak izango dira berriro ere protagonistak; izan ere, umeendako jolasparkea jarriko dute egun horretan Udal Pilotalekuan. Goiz eta arratsalde egongo da zabalik



Kantu kalejira egingo dute eskolako umeek abenduaren 24an, goizean.

ARTXIBOA

jolasparkea: goizez, 10:30etik 12:30era, eta arratsaldez, berriz, 16:00etatik 19:00etara.

Bestalde, Antzulako Kirol Elkarteak antolatuta, Xabier Barkeroren oroimenezko futbol partiduak jokatu dituzte hilaren 28an, arratsaldez, erregional mailako taldeak, Bergarak eta Urolak.

Aurten, partidu hori jokatzeko dute hirugarren urtea izango da.

Bestalde, abenduaren 26tik 28ra, gazteen arteko areto futbol torneoa jokatu dute pilotalekuan. Alfonso Castro zenaren ize-na eramango du torneo horrek.

HERRITARREN HITZA / Patxi Olabarria · Jose Luis Elkororen laguna

Geure burua definitzen

Aintzaneke tarte honetan idazteko gonbitea egin azidanean, izenaren ondoan zer jarriko zuen galdetu zidan. Dakizuenez, hor goian, idazten duena definitzeko tarte bat dago. Sekula ez nion egin galdera hori neure buruari. Hitz batekin nola definitu neure burua? Nire aurretik idatzi dutenengan fijatu naiz eta denetarik ikusi dut: Gerbasio "Txistularia", Alaitz "Gizarte laguntzailea"...

Eta nik zer demontre ipiniko dut? Tanborreroa? Euskaltzalea? Tinbaleroa? Abertzalea? Kooperatibista?

Preso ohia? Egia esan, guztiak jarriko nituzke; azken baten guztiekin identifikatzen naiz. Herriko txistularientzat tanborreroa izango naiz, Bergarako bandakoentzat tinbaleroa, beste askorentzat preso-ohia... Espainiako askok, berriz, ilegala naizela esango dute. Abertzalea eta ezkertiarraren den edozein ilegala baita Espainiako legediarentzat.



"Gu guztion eredia zara, Jose Luis, eta ez ahaztu zurekin gaudela"

Horren adibide argiena atzo Madrilen gertatutakoa. Antzulon hain ezaguna eta hain maitatua den Jose Luis Elkorok epailearen aurrean deklaratu behar zuen beste zenbait euskaldunekin batera. Hau idazten nagoen momentuan ez dakit Garzonek zer erabakiko zuen; dena dela, benetan larria da gertatzen ari dena eta oraindik larriagoa iruditzen

zait beraien burua abertzaletzat dutenak ilegalizatzaileekin batera Bilboko kaleetan eskutik helduta ikusi behar izatea igandean.

Atzo Madrilen aurkeztu zirenetako asko Martuteneko espetxean ezagutu nituen, tartean Jose Luisekin elkarbizitzeko suertea izan nuen. Ezagutzen zaitugunontzat lankidea, laguna, abertzalea, enpresaria, korrikalaria, euskaltzalea,... Hori guztia eta gehiago zara, Jose Luis. Hitz batean definitzeko, gu guztion eredia zara eta ez ahaztu zurekin gaudela.

KIROLA

PARTIDUAK

PILOTA

Gipuzkoako Kluben Arteko Txapelketa

Abenduak 20, 19:30ean:

Olalde-Illunpe (eskuz, infantilak)

Olalde-Intxaurren (eskuz, nagusiak)

EMAITZAK

FUTBOLA

Antzuola 1 Eibartarrak 4 (Gazteak)

PILOTA

Herriko Pilota Txapelketako finalak

Oruesagasti-Larrañaga/

Arbulu-Mendizabal 22-11

Ormazabal-Iiturbe/

Sánchez-Pagalda 5-18

zabalo

IGELTSEROTZA

Jose Luis Zabalo

Birgaitzeak • Fatxadak
Teilatuak
Sukalde eta bainu gelak

Kalegoi 9, 1a., ANTZUOLA.
Tf. 943 76 60 89

LARREA

TABERNA

Kalebarren 17
ANTZUOLA

**LEKY-BERRI
MERENDEROA**

Janariak
eta
edariak

Tf. 943 76 60 94
ANTZUOLA



Herriko plaza 4. Tel. 943 78 70 66. ANTZUOLA

Juan Cruz

ARGAZKIAK

Ezkontza erreportaiak
Jaunartze erreportaiak
Momentuko argazkiak

BITXITEGIA

Marrokineria
Erlojuak, Bitxiak
Opari gaiak